



SPRACHWELTEN

L'um – in chapitel per sasez

Tge qualitäts ha l'um dals siemis? El è curaschus, valurus, energic, decis e polivalent. Plinavant ston la fisionomia e la cumparsa constar tschient per tschient. Datti propi uschè in um?

Sch'ins pudess crear l'agen um dals siemis, fiss el grond, char, bel, sensibel, interessant, attentiv, spontan, interpreudent, intelligent e... La glista è infinita. Ma datti insumma uschè in um? Uschespert ch'ins emprenda d'enconuscher meglier in represchentant da la spezia masculina, bad'ins svelt ch'ins sto cumenzar a stritgar in adjectiv, pia ina qualidad suenter l'otra. Ina cumbinaziun perfetga na datti betg. Ins sto adina puspè acceptar ina menda u l'otra. Però senza ina vart sumbrivauna na fissi era betg uschè interessant. Sch'ins pudess adir e subtrahar las qualitäts tenor gust, fiss ins adina vi dal quintar. Insacura ston ins sa cuntentar. I fiss donn da bittar vi tut, perquai ch'ina chausa na plascha betg. Tant tar la dunna sco tar l'um na dependi betg en emprima lingia da la parita, mabain da l'intern. Jau part pli gugent mia vita cun insatgi che ha in bun cor, che cun insatgi che vesa mo ora bain. A lunga vista na cuntenta quai nagin. Cun la vegliadetgna survegnan tut ils umans faudas e lura quintan ils sentiments pli profunds. Ils umens pensan auter che nus e nossa incumbensa è da decodar quai ch'els na pon betg exprimer. La pli gronda differenza tranter l'um e la dunna è la comunicaziun. Durant che las dunnas discurren da sentiments, vulan ils umens cifras e fatgs. In cumbat permanent è programmà ordavant. I na va betg senza els, ma anc pli pauc cun els. L'um è ina purschida carmalanta e tuttina in chapitel per sasez – e surtut ina gronda sfida.

Sibylle Pfiffner